

四庫全書

經部

欽定四庫全書

經部

四書大全論語集註卷十四

詳校官給事中臣戴璐

刑部郎中臣許兆椿覆勘

覆校官中書臣田尹衡

校對官檢討臣郭寅

謄錄舉人臣何思鈞

欽定四庫全書

論語集註大全卷十四

憲問第十四

胡氏曰此篇疑原憲所記

趙氏曰憲問耻不書姓而直書名其為自

記之證一也

他章夫子稱弟子則以子稱非其師者皆稱

字如原思為之宰亦以此稱而此書名其為自

記之證二也

下章問堯伐怨欲不行不別起端

而聯書之其為自記之證三也○勿軒熊氏曰

多記孔門出處言行內雜論春秋人物凡四章

凡四十七章

凡四十七章

凡四十七章

凡四十七章

凡四十七章

凡四十七章

凡四十七章

凡四十七章

凡四十七章

凡四十七章

凡四十七章

凡四十七章

凡四十七章

凡四十七章

憲問恥子曰邦有道穀邦無道穀恥也

憲原思名穀祿也邦有道不能有為邦無道不能獨

善而但知食祿皆可恥也憲之狷介

雙峯饒氏曰狷是有執守介是

有分辨

其於邦無道穀之可恥固知之矣至於邦有道

穀之可恥則未必知也故夫子因其問而并言之以

廣其志使知所以自勉而進於有為也

朱子曰穀之一字有食祿

之義言有道無道只會食祿畧無建明豈不可深耻  
○問憲之狷介安貧豈不知邦有道穀之可恥曰未  
可知也人到用處方見族黨稱其孝弟夫子未以為  
士之至行者僅能持身於無過而無益於人國不足

深貴也。邦有道而不能有為，只小廉曲謹，濟得甚事。邦無道而受祿，固不可。有道而苟祿，亦不可也。○原憲甘貧守道，其志卓然，能有不為者也。其為此問，固知邦無道而枉道得祿之為耻矣。特欲質諸夫子，以言其志耳。夫子深知其然而亦知其學之未足，以有為也。則恐其或當有道之時，雖無枉道之羞而未免於素餐之愧。故以是而并告之，使因其所已知而雅之，以及其所未知者，庶乎其有以廣其業而益充其所為耳。或乃以謂夫子的意止於無道得祿之可耻，以憲能安貧而告之，然則是徒以其已能者而責告焉。豈所以進之於日新耶？○梅巖胡氏曰：論語中說有道無道，凡八出。泛論者三，指其人而論者五。南容伯玉、武子、史魚、原憲是也。世有道如南容之不廢，武子之知伯玉之仕，史魚之直可也。如欲志於毅而不能有為不可也。○新安陳氏曰：邦有道貧且賤焉，恥也。邦無道富且貴焉，恥也。集註云：世治而無可行之

道世亂而無能守之節其意正與此章同但彼全是平說此亦雖是平說然就原憲分上觀之則重在邦有道穀微不同耳雲峯謂憲為夫子之宰猶辭其所當得之粟其恥於無道之穀可知然狷介者自守常有餘而見於事為常不足故夫子猶告之以有道穀之可恥也

○克伐怨欲不行焉可以為仁矣

此亦原憲以其所能而問也克好

去聲

勝伐自矜怨忿

恨欲貪欲

慶源輔氏曰克只訓勝如克敵克己之為勝敵勝己是也然單言之則為好勝如伎

克克伐是也伐者傷殘之意自矜乃所以自殘也忿見於外恨藏於中內恨外忿則怨欲有公私貪欲則欲之私也○胡氏曰分言則四事對舉互言則克伐者因己所有而生氣盈也怨欲者因己所無而生氣

歟也推本言之又皆由有己而生也○雙峯饒氏曰  
克伐二者只是一病怨欲二者亦只是一病四件是  
兩件兩件又只是一件病根在一欲字有所欲則貪  
多而求勝遂其所欲則誇伐不遂其所欲則怨恨  
子曰可以為難矣仁則吾不知也

有是四者而能制之使不得行可謂難矣仁則天理

渾

上聲

然自無四者之累不行不足以言之也

朱子曰  
克伐怨

欲只是自就道理這邊看得透則那許多不待除而  
自去若實是看得大底道理要求勝做甚麼要去矜  
誇他人做甚麼求仁而得仁又何怨怨箇甚麼耳目  
口鼻四肢之欲惟分是安欲箇甚麼見得大處分明  
這許多小小病疾都如水消凍釋無有痕迹矣若只  
是過在胃中不行畢竟是有這物在裏才說無便是

合下掃去不容他在裏譬如一株草剷去而留其根與連其根剷去此箇意思如何而今人於身上有不好處須是合下便剷去若只是在人面前不行而此箇根苗常留在裏便不得○克伐怨欲不行所以未得為仁者如面前有一事相觸雖能遏其怒畢竟胸中有怒在所以未得為仁○南軒張氏曰克伐怨欲不行亦可謂能制其私欲者矣然克伐怨欲之根猶在也若夫仁者之心則克伐怨欲無自而萌焉故制之於流未若澄之於源也○慶源輔氏曰憲兩問夫子答之皆是因其所已能而進之以其所未能○

程子曰人而無克伐怨欲惟仁者能之有之而能制

其情使不行斯亦難能也謂之仁則未也此聖人開

示之深惜乎憲之不能再問也

程子曰人無克伐怨欲四者便是仁也只



為原憲著一箇不行不免有此心但不行也故孔子謂可以為難此孔子著意告原憲處欲他有所啟發他承當不得不能再發問也孔門如子貢者便能曉得聖人意且如曰女以予為多學而識之歟對曰然便問曰非歟孔子告之曰非也子一以貫之原憲則不能也○若無克伐怨欲固為仁由己唯顏子而上乃能之○朱子曰明道說原憲承當不得所以不復問他非獨是這句失問如邦有道穀邦無道穀耻也也失問○問原憲也不是箇氣昏力弱底人何故如此曰他直是有力看他孤潔節介卒未易及只是見識自如此若子路見識較高他問時須問到底然教原憲去為宰從政未必如子路再求之徒若教子路再求做原憲許多孤介也做不得孟子曰人有不為也而後可以有為原憲却似只要不為却不理會有為一節○慶源輔氏曰憲之所以僅能其難固以其狷介有守而至於不能復有所問則亦以狷介之守

痼之也。或曰四者不行固不得為仁矣。然亦豈非所謂

克己之事求仁之方乎。曰克去上聲己私以復乎禮下同

則私欲不留而天理之本然者得矣。若但制而不行

則是未有拔去病根之意。而容其潛藏隱伏於胃中

也。豈克己求仁之謂哉。學者察於二者之間。則其所

以求仁之功。益親切而無滲所禁漏矣。朱子曰克己如誓不與賊

俱生。克伐怨欲不行。如薄伐玁狁。至于太原。但逐出境而已。○克己者是從根源上一刀兩斷。便斬絕了

更不復萌。不行底只是禁制他。不要出來。那欲為之心未嘗忘也。○雙峯饒氏曰。拔去病根。有兩說。一是

積漸消磨一是勇猛決去平居莊敬涵養此積漸消  
磨法也臨事省視克己此勇猛決去法也○胡氏曰  
制其情而不行與顏子四勿若相似而實不同四勿  
者分辨於天理人欲之間而一循乎天理不行者禁  
制於人欲已發之後而不拘乎人欲用力於初分之  
際者易用力於已發之後者難此所以雖不許其仁  
而亦許其難也苟志不勝氣則藏伏於內者勃然而  
出其難也有時而不可恃矣○雲峯胡氏曰克伐怨  
皆生於欲仁者純乎天理而無欲者也無欲則自然  
無克伐怨矣顏子私欲淨盡可以為仁憲之力制其  
欲者可  
以為難

○子曰士而懷居不足以為士矣

居謂意所便安處也

胡氏曰居以為居室亦可然居  
室一事所該者狹聖人既斷其

不足以為士則不止思念其居室之安而已故以為意所便安處皆是蓋不循理之安而惟徇情之安則趨利背義往往有之安得謂之士○慶源輔氏曰懷吾意所便安處便是利心為士者正義而不謀利若於意所便安者戀戀而不能忘則於義之所當為者必不能知所徙矣內則損德外則廢業是尚足以為士哉○雲峯胡氏曰懷居與小人懷土相似與聖人安土樂天相反安土者隨其身之所處而安無所執著所謂安土敦乎仁其樂也天懷居者戀其身之所便以為安有所執著其累也人○新安陳氏曰君子當安安而能遷私意戀著是苟安也若是則如輔氏所謂於義所當為必不能徙矣

○子曰邦有道危言危行邦無道危行言孫

行孫並去聲

危高峻也孫卑順也

陳氏曰高峻者廉隅之稱非說險也卑順者加謙恭之意非阿

也諛尹氏曰君子之持身不可變也至於言則有時而

不敢盡以避禍也然則為國者使士言孫豈不殆哉

朱子曰洪氏云危非矯激也直道而已孫非阿諛也  
遠害而已吳氏云言孫者亦非失其正也特少置委  
曲如夫子之對陽貨王孫賈云爾○南軒張氏曰危  
高特之意君子非固欲危其言行介然守道不徇於  
世自世人視之則見其高特耳○慶源輔氏曰行以  
持身則終無可變之理言以應物則或有當避之時  
○雙峯饒氏曰行無時而不危所謂國有道不變塞  
焉國無道至死不變言有時而或遜所謂國有道其  
言足以興國無道其默足以容○新安陳氏曰制行  
無時而可變持身之道也出言有時而不敢盡保身  
之道也

○子曰有德者必有言有言者不必有德仁者必有勇勇者不必有仁

有德者和順積中英華發外

八字出樂記

能言者或便

平聲

佞口給而已仁者心無私累見義必為勇者或血氣

之強而已

胡氏曰便佞口給無德之言也血氣之強非仁義之勇也

○尹氏曰有

德者必有言徒能言者未必有德也仁者志必勇

志能

帥徒能勇者未必有仁也

問仁與德如何分雙峯饒氏曰隨所得淺深皆可以

為德皆可見於言仁則德之全也心無私累故能見義必為德未到此田地未必真能有勇也

○南宮适問於孔子曰羿善射皋盪舟俱不得其死然

禹稷躬稼而有天下夫子不答南宮适出子曰君子哉

若人尚德哉若人

适古活反羿音詣皋五報反盪土浪反

南宮适即南容也羿有窮之君善射滅夏后相去聲而

篡其位其臣寒浞士角反又殺羿而代之皋春秋傳作

澆五吊反浞之子也力能陸地行舟後為夏后少去聲康

夏后相所誅左傳襄公四年魏絳曰昔有夏之方衰也后羿自鉏遷于窮石因夏民以代夏

政恃其射也不修民事而淫于原獸用寒浞以為相浞行媚于內宮人而施賂于外愚弄其民而虞羿于

田虞樂也樹之詐慝以取其國家羿歸自田家衆殺而烹之靡奔有禹氏靡夏之臣浞因羿室生澆及豷音戲恃其讒慝詐偽而不德于民使澆用師滅斟灌及斟尋氏二國夏同姓諸侯靡自有禹氏收二國之燼遺民以滅浞而立少康少康滅澆后杼滅豷后杼少康子有窮遂亡○新安陳氏曰羿皋皆篡賊而殺誅異辭者羿當誅然非浞所得誅也故云殺

穡之事禹受舜禪

時戰反

而有天下稷之後至周武王

亦有天下适之意蓋以羿皋比當世之有權力者而以禹稷比孔子也故孔子不答然适之言如此可謂君子之人而有尚德之心矣不可以不與故俟其出



而贊美之

問夫子不答南宮适朱子曰适雖非問然其言可取則亦不應全然不答疑其實有

貶當世而尊夫子之意夫子不欲承當故不答爾○南軒張氏曰方是時天下以力相高而不知貴德南宮适之言謂強力不可恃而德之為尊也夫子不答者以其有禹稷之言答之則是己當之也而以其言之善則從而美之使學者知尚德之意也言禹稷之德而獨稱其躬稼者舉其見於行事之實也南宮适亦知言哉○慶源輔氏曰适素號能謹言而以此質於夫子其所以閱世悼俗尊尚聖人之意備見於言外夫子不答於出而美之可見聖人處事之密而取善之周矣○葉氏少蘊曰是時田恒之篡齊六卿之分晉三家之專魯孰非欲為羿與奡者○雙峯饒氏曰此章意味極深集註權力二字正指三家而言三家權力盛而有無君之心故以羿奡比之夫子有德而無位故以禹稷比之三家無君必至於亡夫夫子有

德如此異日造物必有以處之而使之得位故微其辭以形容之孔子以其以禹稷比己已難答又以羿稟比三家愈難答所以不答迨是孟懿子之兄亦是三家之子孫乃有此等見識尤所難得故夫子俟其出而嘆美之○新安陳氏曰君子尚德小人尚力迨戒羿稟尊禹稷是尚德不高力也故許以君子

○子曰君子而不仁者有矣夫未有小人而仁者也

夫音

扶

謝氏曰君子志於仁矣然毫忽之間心不在焉則未

免為不仁也

朱子曰君子譬如純白底物事雖有一點黑是照管不到處小人譬如純黑底

物事雖有兩點白處却當不得那白也○潛室陳氏曰君子容有不仁處此特君子之過耳蓋千百之一

二若小人本心既喪天理已自無有何得更有仁在  
已自頑痺如鐵石亦無醒覺之理甚言小人之不仁  
也此君子小人指心術邪正言君子存心雖正猶有  
私意間發之時小人本心既無縱有隙光暫見決不  
勝其虺蛇之毒此章深惜小人之喪失本心也○雙  
峯饒氏曰仁是純乎天理而無一毫人欲之私少有  
間斷便是不仁君子之心雖純是天理然或少有間  
斷故曰不仁者有矣夫小人間有些天理形見終為  
物欲所蔽決不能到純全田地故曰未有小人而仁  
者也○吳氏曰夫婉辭仁非聖人不能盡小人中雖  
有天理減未盡者亦不得以仁稱  
之云然者勉君子而懲小人也

○子曰愛之能勿勞乎忠焉能勿誨乎

蘇氏曰愛而勿勞禽犢之愛也

東漢楊彪傳彪子修為操所殺操見彪問

曰公何瘦之甚對曰愧無日碑讀作密低先見忠而之明猶懷老牛舐神旨反犢之愛操為之改容

勿誨婦寺

音詩

之忠也

詩大雅瞻卬篇匪教匪誨時惟婦寺刺幽王嬖褒姒任奄人以

致亂之詩寺奄人也

愛而知勞之則其為愛也深矣忠而知誨

之則其為忠也大矣

慶源輔氏曰愛焉而自不能不勞以成之忠焉而自不能不誨

以益之此天理人情之至莫之為而為者也觀慈父之於子忠臣之於君則可見矣蘇氏發兩知字尤有意味蓋人之私情往往不知勞之為愛誨之為忠故又言以明之○厚齋馮氏曰人之常情勞之之事難從而勞於前者逸於後豈非愛之深者乎誨之之語難受而長其善以救其失豈非忠之大者乎

○子曰為命裨諶草創之世叔討論之行人子羽修飾

之東里子產潤色之

裨婢之反  
諶時林反

裨諶以下四人皆鄭大夫草略也創造也謂造為草

藁也世叔游吉也春秋傳作子大叔討尋究也論講

議也行人掌使

去聲

之官子羽公孫揮也脩飾謂增損

之東里地名子產所居也潤色謂加以文采也鄭國

之為辭命必更

平聲

此四賢之手而成詳審精密各盡

所長是以應對諸侯鮮

上聲

有敗事

左傳襄公三十一年北宮文子相衛

襄公以如楚過鄭文子入聘子羽為行人馮簡子與子大叔逆客事畢而出言於衛侯曰鄭有禮其數世

之福也其無大國之討乎子產之從政也擇能而使  
之馮簡子能斷大事子大叔美秀而文貌美才秀公  
孫揮能知四國之為知諸侯所欲為而辨於其大夫  
之族姓班位貴賤能否而又善為辭令裨謀能謀  
於野則獲得所謀也謀於邑則否此才性之蔽鄭國  
將有諸侯之事子產乃問四國之為於子羽且使多  
為辭令與裨謀垂以適野使謀可否而告馮簡子使  
斷之事成乃授子大叔使行之以應對賓客是以鮮  
有敗事北宮文子孔子言此蓋善之也朱子曰春秋之  
子所謂有禮也辭命猶是說義  
理到戰國遊說則只說利害而已○洪氏曰鄭國能  
慎重其辭命而信任於賢者如此為天下者辭命宜  
益重也而反輕之討論潤色宜益衆也而獨任於一  
官何哉且古之賢者求辭命之善爾不有其已也故  
世叔討論而裨謀不以為歟子產潤色而子羽不以  
為羞後世為命者反是此辭命所以有愧於古也○

南軒張氏曰鄭所以能自保者亦以辭命之善而其辭命之善則以夫衆賢之力耳聖人稱之以見為命猶當假衆賢之力則夫事有犬於是者又可知矣○葉氏少蘊曰子產獻入陳之捷於晉晉人問入陳之罪子產對焉士莊伯不能詰趙文子以為辭順而受之子曰晉為伯鄭入陳非文辭不為功慎辭哉辭命之當慎可知矣○雙峯饒氏曰裨諶想是素善造謀故使之草創世叔熟於典故故使之討論子羽行人之官熟於應對故又使之修飾當時子產當國事皆由之然不自用己見直待三子都了却潤色之合四子之長則全美矣○厚齋馮氏曰鄭以小國介乎晉楚爭奪之衝自簡公十二年用子產為卿又十年授之以政子產知辭命之不善無以交鄰事大解紛息爭也故用是三人者草創討論修飾之既成乃從而潤色之是以應對諸侯鮮有敗事歷定獻襄公凡五十年間得免兵禍辭命之有益於人國如此哉

○或問子產子曰惠人也

子產之政不專於寬然其心則一以愛人為主故孔

子以為惠人蓋舉其重而言也

左傳昭公二十年鄭子產有疾謂子大叔

曰我死子必為政唯有德者能以寬服民其次莫如  
猛夫火烈民望而畏之故鮮死焉水懦弱民狎而翫  
之則多死焉故寬難疾數月而卒大叔為政不忍猛  
而寬鄭國多盜取人於萑苻之澤萑苻音丸蒲澤名  
也於澤中劫人大叔悔之曰吾早從夫子不及此興  
徒兵以攻萑苻之盜盡殺之及子產卒仲尼聞之出  
涕曰古之遺愛也○朱子曰子產心主於寬雖說道  
政尚嚴猛其實乃是要用以濟寬爾所以為惠人○  
胡氏曰子產為政黜汰侈崇恭儉作封洫鑄刑書惜  
幣爭承皆以豐財足用禁姦保民其用法雖深為政



雖嚴而卒歸于愛故夫子以惠人徹之然孟子以為  
惠而不知為政禮記以為能食民而不能教者蓋先  
王之政之教子產誠有所未及也○雲峯胡氏曰子  
產之惠夫子指其心而言之孟子所謂惠而不知為  
政不過以其乘輿濟人之一事  
而言而其愛人之心固可知矣

### 問子西曰彼哉彼哉

子西楚公子申能遜楚國立昭王而改紀其政亦賢

大夫也

左傳昭公二十六年楚平王卒令尹子常欲  
立子西子西平王之長庶子曰太子壬弱壬

昭王也

子西長而好善立長則順建善則治王順國

治可不務乎子西怒曰國有外援謂秦不可賈也  
賈慢也王有適嗣不可亂也敗親速讎不立壬秦將來  
討是速召讎也亂嗣不祥我受其名惡名賂吾以天

下吾滋不從也。楚國何為必殺令尹？令尹懼，乃立昭王。○定公六年，吳敗楚師，楚國大惕懼，亡令尹子西。喜曰：「乃今可為矣。」言知懼而後可治，於是乎遷都於郟。音若地名也。而改紀其政，以定楚國。然不

能革其僭王之號，昭王欲用孔子，又沮。

在呂反

止之。

新安

陳氏曰：夫子非以私外之，集註提此。見其不知人，不能為國進人才耳。

其後卒召白公。

以致禍亂。

事見大學或問。止至善章內。

則其為人可知矣。彼哉者。

外之之詞。

吳氏曰：當時有三子，西、鄭、駟。夏楚宜申，公子申也。駟夏未嘗當國，無大可稱，宜申謀。

亂被誅，相去又遠，宜皆所不論者。獨公子申與孔子同時。

問管仲曰：人也。奪伯氏駢邑三百，飯疏食，沒齒無怨言。

人也猶言此人也

問管仲曰人也范揚皆以為盡人  
道集註以為猶云此人也如何朱

子曰古本如此說猶詩所謂伊人莊子所謂之人也  
若作盡人道說除管仲是箇人他人便都不是人更

管仲也未  
盡得人道

伯氏齊大夫駢邑地名

厚齊馮氏曰駢邑  
三百伯氏食邑三

百家

齒年也蓋桓公奪伯氏之邑以與管仲伯氏自

知已罪而心服管仲之功故窮約以終身而無怨言

荀卿所謂與之書社三百

雲峯胡氏曰周禮二十五  
家為社書社謂以社之戶

口書於版圖  
者凡三百社

而富人莫之敢拒者即此事也

荀子仲  
尼篇齊

桓公見管仲之能足以託國也是天下之大智也遂  
立以為仲父是天下之大決也立為仲父而貴戚莫

之敢妬也與高國之位而本朝之臣莫之敢惡也高  
氏國氏齊世卿也與之書社三百而富人莫之敢距  
也距敵也言齊之富人莫有敢敵管仲者貴賤少長  
莫不秩秩然從桓公而貴敬之是天下之大節也○  
雙峯饒氏曰此篇凡說管仲夫子每護之孟子排管  
仲皆是救時而然夫子之時人不知有王仲尊王亦  
是有功夫子所以護之孟子之時天下之人皆知尊  
伯術而賤王道孟子恐功利之說熾故於桓文管晏  
一切

柳之

○或問管仲子產孰優曰管仲之德不勝其才

子產之才不勝其德然於聖人之學則槩乎其未有

聞也

新安陳氏曰槩平斗斛之物謂二人平等皆未  
有聞於聖學也○慶源輔氏曰管仲德不勝才

子產才不勝德皆以資質言也故其事業亦各隨其  
資以為之使其知聖賢大學之道循序而漸進成己

以成物則子產之徒當與顏閔同科而仲之才當與伊呂並駕矣○陳氏曰二子皆無大學規模須是有大學規模乃為王佐才而伊呂周召其人也○雙峯饒氏曰子產才不及仲然却正當過之如有君子之道四之類是也

○子曰貧而無怨難富而無驕易

易去聲

處

上聲下同

貧難處富人之常情然人當勉其難而不

可忽其易也

朱子曰貧則無衣可著無飯可喫存活不得所以無怨難富則自有衣著自有

飯喫但若知義理稍能守分便是無驕所以易二者其勢如此○貧而無怨不及貧而樂者又勝似無諂者○敬夫說亦佳富而無驕不矜於外物者能之貧而無怨非內有所守者不能也或謂世有處貧賤而

無失一旦處富貴則失其本心難易之論其不然耶此蓋未知無怨之味也所謂處貧賤而無失者特未見失於外耳又烏保其中之無怨耶蓋一毫有所不平於中皆為怨也故貧而無諂易貧而無怨難無怨則漸進於樂矣○胡氏曰貧之境逆而多不足之心富之境順而多有餘之意然處不足而心無不足者非無愧怍而真有得則不能故難處有餘而心未嘗有餘者苟自知收斂矜誇不萌者能之故易聖人因人情事勢而別其難易如此非謂但當勉其難而易者不必言故集註又申明其不可忽之意○問貧而無怨即貧而樂否雙峯饒氏曰能安於義命則能無怨若樂則心廣體胖非意誠心正身修者不能及此觀子貢以無驕對無諂而夫子以樂對好禮淺深可見

○子曰孟公綽為趙魏老則優不可以為滕薛大夫

公綽魯大夫趙魏晉卿之家老家臣之長

上聲

大家勢

重而無諸侯之事家老望尊而無官守之責優有餘也滕薛二國名大夫任國政者滕薛國小政繁大夫

位高責重然則公綽蓋廉靜寡欲而短於才者也

新安

陳氏曰下章公綽之不欲廉則不貪欲也靜則恬淡不躁也惟其廉靜寡欲所以優為趙魏老惟其短於才所以不可為滕薛大夫○胡氏曰趙魏雖晉卿執國之政而家大如此故勢尊為家臣之長者苟能正已則居其位有餘矣滕薛雖諸侯孟子言滕絕長補短將五十里則其國之小可知征伐朝聘之事所不容已大夫當國非才智過人則不足以勝其任○雙峯饒氏曰公綽為魯大夫想不稱職故聖人謂止可

為趙魏老問國小如何政繁曰困於事大國如朝聘  
會盟征伐貢賦之類應接不暇問何為如此曰上無  
王綱大陵小強

王綱大陵小強

○楊氏曰知之弗豫枉其才而用之

新安陳氏曰用違其才之所長則為棄人矣此君子  
而納之於其所短是之謂枉

所以患不知人也言此則孔子之用人可知矣

南軒張氏

日用人之方貴於處之得其當而已○齊氏曰孔子  
嘗曰君子不器又曰其使人也器之則公綽亦器也  
而孔子器  
之者歟

○子路問成人子曰若臧武仲之知公綽之不欲卞莊  
子之勇冉求之藝文之以禮樂亦可以為成人矣

知去聲



成人猶言全人武仲魯大夫名紇

下沒反

莊子魯卞邑

大夫言兼此四子之長則知足以窮理庶足以養心  
勇足以力行藝足以泛應而又節之以禮和之以樂

使德成於內而文見

形句反

乎外則材全德備渾

上然聲

不見一善成名之迹

兼四子之長而然

中正和樂

音洛

粹然無

復

扶又反

偏倚駁雜之蔽

新安陳氏曰節以禮則中正而無偏倚和以樂則和樂而

無駁雜

而其為人也亦成矣然亦之為言非其至者蓋

就子路之所可及而語

音御

之也若論其至則非聖人

之盡人道不足以語此

新安陳氏曰此就亦字上推夫子言外之意○問四子之

事朱子曰武仲左氏詳矣公綽前章外他無所見卞莊子事見新序曰莊子養母戰而三北及母死齊伐魯莊子赴鬪三獲甲首以獻曰此塞三北遂赴齊師殺十人而死冉求之藝則夫子固嘗稱之矣○知而不能不欲則無以守其知不欲而不能勇則無以決其為知不欲且勇矣而於藝不足則於天下之事有不能者矣然而有是四者而又文之以禮樂始能取四子之所長去四子之所短然此聖人方以為亦可以為成人則猶未至於踐形之域也問若聖人之盡人道則何以加此曰聖人天理渾全不待如此逐項說矣○洪氏以為特以四子為言者四子皆魯人而莊子與子路皆卞人冉求又朋友也其近而易知者爾胡氏以為言卞莊子蓋以况子路爾言有是一能而不能兼衆子之長與成於禮樂焉則亦不足以為

成人矣。○胡氏曰：四子之長各有所偏，故必兼四子之長。四者相資，猶未足以合乎道。又必須文之以禮樂，禮以節之，則其偏倚邪辟者去矣。樂以和之，則其乖戾矯激者消矣。此所以中正和樂渾然粹然而至於成人矣。○雙峯饒氏曰：文以禮樂，則不好亦成。好底四件都是質，須文之以禮樂，蓋節之以禮，則凡事都有節制，和之以樂，則中心和平，而所發者中節。○雲峯胡氏曰：公綽之不欲，只是德，而其才未備。武仲之知，卞莊子之勇，冉求之藝，只是才，而其德未全。皆有一善成名之迹，至於武仲之要君公綽之不可為，滕薛大夫莊子輕死敵而不終於孝，冉有為季氏聚斂，皆有偏倚，駁雜之蔽，非文之以禮樂，固未見其渾然粹然也。

曰：今之成人者，何必然見利思義，見危授命，久要不忘。

平生之言亦可以為成人矣

復

扶又反下同

加曰字者既答而復言也授命言不愛其

生持以與人也久要

如字

舊約也平生平日也有是忠

信之實則雖其才知

去聲

禮樂有所未備亦可以為成

人之次也

雙峯饒氏曰忠指授命信指久要似遺了思義一句蓋取與不苟亦非忠信者不能

○南軒張氏曰見利思義無苟得也見危授命無苟避也久要不忘平生之言不食其言也是雖未有過人之才而亦敦篤忠信之人故在今日論之亦可以為成人此亦思狂狷之意耳

○程子曰

知之明信之篤行之果天下之達德也若孔子所謂

成人亦不出此三者武仲知也公綽仁也卞莊子勇也再求藝也須是合此四人之能文之以禮樂亦可以為成人矣然而論其大成則不止於此若今之成人有忠信而不及於禮樂則又其次者也又曰臧武仲之知非正也若文之以禮樂則無不正矣

慶源輔氏曰此

亦舉武仲要君一事以例其餘耳人之資稟雖善然亦不能無偏須學以成之然後協于中正而無疵也

又曰語成人之名非聖人孰能之孟子曰唯聖人然後可以踐形如此方可以稱去聲成人之名胡氏曰今

之成人以下乃子路之言蓋不復聞斯行之之勇而

有終身誦之之固矣未詳是否

趙氏曰何必然三字似以前說為疑三者

皆子路之所能故胡氏疑其為子路之言○胡氏曰此子路所已能夫子方進子路於成人之域豈又取其已能者而重獎之○厚齋馮氏曰子路成人之問夫子蓋以子路之所知者使之捨短集長增益其所未至爾非謂成人之道盡於是也子路猶以為此古之成人之道居今之世有不必盡然者謂誠能見利思義見危授命久要不忘平生之言雖無禮樂亦云可矣是三者蓋子路之所優為抑以自許也唯其自許如此故臺下之役卒以身殉終不能明君臣之大義以正衛國之難則亦不足以為成人矣行行如也若不得其死然則以未能文之以禮樂故也○新安陳氏曰使子路能行夫子之言始於智以知此理終

合於禮中樂和之理豈至死於一決之勇而不  
足以言義乎胡氏以後一節為子路之言極是

○子問公叔文子於公明賈曰信乎夫子不言不笑不  
取乎

公叔文子衛大夫公孫枝也公明姓賈名亦衛人文  
子為人其詳不可知然必廉靜之士故當時以三者

稱之

新安陳氏曰不言笑  
見其靜不取見其廉

公明賈對曰以告者過也夫子時然後言人不厭其言  
樂然後笑人不厭其笑義然後取人不厭其取子曰其

然豈其然乎

厭者苦其多而惡

去聲

之之辭事適其可則人不厭而

不覺其有是矣是以稱之或過而以為不言不笑不

取也然此言也非禮義充溢於中得時措之宜者不

能文子雖賢疑未及此但君子與人為善不欲正言

其非也故曰其然

微疑之

豈其然乎

深疑之

蓋疑之也

夫問

子疑之何也朱子曰吳氏云文子請享靈公也史鱗曰子富君貪禍必及矣觀此則文子之言豈能皆當而其取豈能皆善乎○惟其人不厭之所以有不言不笑不取之稱也蓋其言合節拍所以雖言而人不



厭之雖言而實若不言也這不厭字意正如孟子所謂文王之囿方七十里民猶以為小相似公叔文子當時人稱之已過及夫子問之而賈所言又愈甚故夫子不信○不言不笑不取似乎小却難若真能如此只是一偏之行然公明賈却說時然後言樂然後笑義然後取似乎易却說得大了蓋能如此則是時中之行也○南軒張氏曰公叔文子意者簡默重厚之士故人稱之如此聖人質之於其門人將以察其然也公明賈之言則善矣然非公叔文子之所及也蓋如賈所言非和順積中發而中節者莫能然不直謂不然而為之疑辭曰其然豈其然乎聖人辭氣含洪忠厚如此○問時樂義與廉靜相去幾何雙峯饒氏曰廉靜是氣質好時樂義是義理自學問中發出底賈所稱非仁熟義精者不能文子氣質雖美未必能此也○吳氏曰稱其主曰夫子意猶對蘧伯玉使者然公明盛稱文子之賢人反得以疑之蘧伯玉使

者但為謙辭以對益以彰其主之美為辭令者亦可以觀矣

○子曰臧武仲以防求為後於魯雖曰不要君吾不信

也要平聲

防地名武仲所封邑也要有挾而求也武仲得罪奔

邾自邾如防使請立後而避邑以示若不得請則將

據邑以叛是要君也

左傳襄公二十三年季武子無適子公彌長即公鉏而愛悼子

欲立之訪於臧紇臧紇為立之季氏以公鉏為馬正家司馬孟孫惡臧孫季孫愛之孟莊子疾豐點孟氏之御謂公鉏苟立羯莊子庶子請讎臧氏孟孫卒公鉏奉羯立之孺子扶孟孫長子奔邾臧孫入哭甚哀

出孟氏閉門告季孫曰臧氏將為亂季氏不信臧孫  
聞之戒為備也孟氏將辟婢亦反藉除於臧氏辟穿  
藏也於臧氏借人除葬道臧孫使正夫隧正助之除  
於東門甲從才用反己而視之孟孫又告季孫怒命  
攻臧氏見其有甲故臧紇斬鹿門之關以出奔邾臧  
賈臧為出在鑄二人乃宣叔娶鑄國所生與紇兄弟  
也臧武仲使告臧賈且致大蔡焉大龜出蔡因號大  
蔡曰紇不佞夫守宗祧敢告不吊紇之罪不及不祀  
子以大蔡納請其可賈再拜受龜使為以納請遂自  
為也臧孫如防使來告曰紇非能害也知不足也言  
使甲從己但慮事淺耳非敢私請苟守先祀無廢二  
勲文仲與宣叔敢不避邑乃立臧為臧紇致防而奔  
齊

○范氏曰要君者無上

孝經語

罪之大者也武仲之

邑受之於君得罪出奔則立後在君非己所得專也

而據邑以請由其好知

並去聲

而不好學也

慶源輔氏曰凡人溺

於智而不知學不鑿以為私則必蕩而失正武仲二病皆有之且意萌於中迹著於外雖欲欺人而人之視己如見其肺肝然武仲之智而不足

楊氏曰武仲

卑辭請後其跡非要君者而意實要之夫子之言亦

春秋誅意之法也

和靖尹氏曰據邑以請立非要君而何如不知義者將以武仲之存

先祀為賢故夫子正之○雙峯饒氏曰武仲只當請後不當據邑夫子不罪其請罪其據邑也使武仲請後果以防為言則要君之迹彰而易見唯不以防為言則要君之心隱而難知既用智以要君又欲逃罪以欺世此夫子之言所以為春秋誅意之法也

○子曰晉文公譎而不正齊桓公正而不譎

譎古  
宄反

晉文公名重

平聲

耳齊桓公名小白譎詭也二公皆諸

侯盟主攘夷狄以尊周室者也雖其以力假仁心皆

不不然桓公伐楚仗義執言不由詭道猶為彼善於

此

左傳僖公四年春齊侯以諸侯之師侵蔡蔡潰蔡  
自此北杏一與中國之會而棄諸姬黨楚國故齊伐

楚而先事侵蔡潰蔡者先破楚之黨也遂伐楚楚子

使與師言曰君處北海寡人處南海唯是風馬牛不

相及也北杜相誘曰風言雖馬牛風逸亦不相及喻  
地遠不相干也不虞君之涉吾地也何故管仲對曰

昔召康公命我先君大音太公曰五侯九伯女實征  
之以夾輔周室賜我先君履所踐履之界東至于海

西至于河南至于穆陵北至于無棣索隱曰淮南有故穆陵門無棣在遼西孤竹爾貢包茅不入包裏東也禹貢荊州包匭菁茅蓋取三脊之茅包裏匭匣盛之以貢周王祭不共音供無以縮酒祭祀必束茅而灌之以酒為縮酒寡人是徵昭王南征而不復昭王成王孫南巡狩濟漢水船壞而溺死寡人是問對曰貢之不入寡君之罪也敢不供給昭王不復君其問諸水濱昭王時漢非楚境故楚不服昭王不復君其問地夏楚子使屈完如師使大夫請盟師進次于陘楚退次于召陵次于召陵之地以聽楚成文公則伐衛以致楚而陰謀以取勝其譎甚矣左傳僖公二十七年楚子及諸侯圍宋宋如晉告急狐偃曰楚始得曹而新昏於衛若伐曹衛楚必救之則齊宋免矣前年楚申叔戌穀以逼齊二十八年晉侯侵曹伐衛衛人出其君以說于晉晉侯入曹執曹伯分曹衛之田以畀宋人楚子使子

王去宋曰無從晉師子玉使宛春告於晉師曰請復  
衛侯而封曹臣亦釋宋之圍子犯曰子玉無禮哉君  
取一以釋宋圍惠晉侯臣取二以復曹衛為己功不  
可失矣言可伐先軫曰定人之謂禮楚一言而定三  
國我一言而亡之我則無禮何以戰乎不許楚言是  
棄宋也救而棄之謂諸侯何言將為諸侯所怪楚有  
三施去聲我有三怨怨仇已多將何以戰不如私許  
復曹衛以携之私許二國使告絕于楚而後復之携  
離也執宛春以怒楚既戰而後圖之公說乃拘宛春  
於衛且私許復曹衛曹衛告絕于楚子玉怒從晉師  
藥枝使輿曳柴而偽遁楚師馳之原軫以中軍公族  
公所率之軍橫擊之楚師敗績晉師三日館穀館舍  
也食楚軍  
之穀三日  
二君他事亦多類此  
新安陳氏曰上引二  
事以推  
故夫子言此以發其隱  
慶源輔氏曰桓公責  
其餘  
楚以包茅不貢及昭

王不復二事進次而不遂戰既服而與之盟是仗義  
執言不由詭道也文公始則伐曹衛以致楚師之救  
終則復曹衛以攜二國之交是伐衛以致楚而陰謀  
以取勝也就霸者之中論桓文之事則文譎而不正  
桓正而不譎若較之王者表裏無疵粹然一出於正  
者固不可同年而語矣○齊氏曰二公之伯皆以勝  
楚楚罪莫大於僭王猾夏孔子於春秋書齊曰侵蔡  
蔡潰遂伐楚而於晉僅書曰及楚戰於城濮則晉之  
有歟於聲罪致討也亦已著矣○新安陳氏曰二公  
心皆不正論其彼善於此則桓稍優於文耳晉文固  
譎齊桓亦非純乎正者若粹  
然一出於正其惟王道乎

○子路曰桓公殺公子糾召忽死之管仲不死曰未仁

乎

糾居黜反  
召音邵



按春秋傳齊襄公無道鮑叔牙奉公子小白奔莒

音舉

及無知弒襄公管夷吾召忽奉公子糾奔魯魯人納之未克而小白入是為桓公使魯殺子糾而請管召

召忽死之管仲請囚鮑叔牙言於桓公以為相

去聲左

傳莊公八年齊侯使連稱管至父戍葵丘二人齊大夫戍守也瓜時而往及瓜而代期音基戍公問不至問命也請代弗許故謀作亂僖公之母弟曰夷仲年生公孫無知有寵於僖公衣服禮秩如適適太子襄公絀之二人因之以作亂遂弒襄公而立無知初襄公立無常政今不常鮑叔牙曰君使民慢亂將作矣奉公子小白襄公庶子出奔莒亂作管夷吾召忽奉公子糾小白庶弟來奔九年春雅廩齊大夫殺無知

夏公伐齊納子糾桓公自莒先入秋師及齊師戰于乾時我師敗績鮑叔帥師來言曰子糾親也請君討之管召仇也請受而甘心焉甘心言欲快意戮殺之乃殺子糾于生竇魯地召忽死之管仲請囚鮑叔受之及堂阜齊地而稅他活反之歸而以告曰管夷吾治於高傒音翼齊卿高敬仲也言管仲治理政事之才多於敬仲使相可也公從之

子路疑管仲忘君事讎忍心害理不

得為仁也

問集註謂忍心害理不得為仁忍心之忍是殘忍之忍否朱子曰傷其惻隱之心使

是忍心如所謂無求生以害仁害仁便是忍心也○慶源輔氏曰忘君謂不顧糾死事仇謂相桓忍心謂心所當為而忍之使不為害理謂理所當然而弗之使不然忘君事仇即忍心害理也○程子曰桓公兄而子糾弟襄公死則桓公當立此以春秋知之春秋書桓公則曰齊小白言當有齊國也於子糾則止曰

糾不言齊以不當有齊也不言子非君之嗣子也公  
穀並註四家皆書納糾左傳獨言子糾誤也然書齊  
人取子糾殺之者齊大夫常與魯盟于既既納糾以  
為君又殺之故書子是罪魯也○問春秋於糾上一  
無子字一有子字何也雙峯饒氏曰始以納之為非  
故去子以明其不當納終以殺之為非故又稱子以  
明其不當殺

子曰桓公九合諸侯不以兵車管仲之力也如其仁如  
其仁

九春秋傳作糾督也古字通用

左傳僖公二十六年齊孝公伐我北鄙公

使展喜犒師曰昔周公太公股肱周室夾輔成王成  
王勞之而賜之盟曰世世子孫無相害也載載書在

盟府大師職之職主也大公為大師兼主同盟之官桓公是以糾合諸侯而謀其不協彌縫其闕而匡救其災昭舊制也

不以兵車言不假威力也如其仁言誰如其仁者又再言以深許之蓋管仲雖未得為仁人而其

利澤及人則有仁之功矣

程子曰管仲不死觀其九合諸侯不以兵車乃知其

仁也若無此則貪生怕死雖匹夫匹婦之諒亦無也○朱子曰九之為糾展喜之詞而糾合宗族之類亦其證也說者不考其然乃直以為九會諸侯至數桓公之會不止於九則又因不以兵車之文而為之說曰衣裳之會九餘則兵車之會也公穀以來皆為是說可謂鑿矣○召忽之失在輔子糾以爭國而不在于死管仲之得在九合之功而不在於不死仲之可以不死正以小白兄而子糾弟耳夫子特以忽之功

無足稱而其死不為過仲之不死亦未嘗害義而其  
功有足褒爾固非子仲之生而貶忽之死也○仁之  
一字以德而言則必心無私而事當理乃能當之若  
言其功則推利澤及人有恩有惠便可稱之初不計  
德之如何也○仲之仁是粗處至精處則顏子三月  
之後或違之○如漢高祖唐太宗未可謂之仁人然  
戰國至暴秦其禍極矣高祖出而平定天下隋末殘  
虐尤甚太宗出而掃除以致貞觀之治此二君豈非  
仁者之功耶仲之功亦猶是也○慶源輔氏曰仁者  
安仁蓋天理渾然無一息之不存無一物之不體管  
仲之於德其違闕者多矣顧何足以語此然使桓公  
糾合諸侯攘夷狄尊周室不假威力無所殺傷則利  
澤及人是亦仁者之功效矣○蔡氏曰子路舉忽之  
死仲之不死是以忽為殺身成仁仲為未仁夫子答  
以仲有仁之功如此忽豈能如仲之仁乎是以忽仲  
比而言之非泛許仲以仁也下章匹夫婦之諒亦指

忽而言○新安陳氏曰仁有以心術之精微言者非大賢以上之安仁不足以當之有以事功之顯著言者如管仲有仁者之功亦足以為仁矣子路好勇死非所難而處死為難故夫子不非仲無死節之義反取仲有及人之仁亦所以曉子路而箴之也

○子貢曰管仲非仁者與桓公殺公子糾不能死又相

之與平聲  
相去聲

子貢意不死猶可相之則已甚矣

慶源輔氏曰子路勇者也故有取於

召忽之死而以管仲之不死為未仁子貢智者也故以仲之不死為猶可而以其相桓為已甚而非仁

子曰管仲相桓公霸諸侯一匡天下民到于今受其賜

微管仲吾其被髮左衽矣

被皮寄反衽而審反

霸與伯同長

上聲

也匡正也尊周室攘夷狄皆所以正

天下也微無也衽衣衿也被髮左衽夷狄之俗也

今問

尹子文陳文子之事則原其心而不與其仁至管仲則以其功而許其仁若有可疑者朱子曰管仲之功自不可泯沒聖人自許其仁者之功且聖人論人功過自不相掩功自還功過自還過所謂彼善於此則有之矣若以管仲比伊周固不可同日語若以當時大夫比之則在所當取當是之時楚之勢駸駸可畏治之少緩則中國皆為夷狄故曰微管仲吾其被髮左衽矣○南軒張氏曰只為子路疑其未仁子貢疑其非仁故舉其功以告之若二子問管仲仁乎則所以告之者異矣○厚齋馮氏曰劉定公稱禹之功曰

微禹吾其魚乎吾與子弁冕端委以治民臨諸侯禹之力也必推至此然後見禹之有大功夫子稱仲之仁至於被髮左社則仲之功大矣

宜若匹夫匹婦之為諒也自經於溝瀆而莫之知也

諒小信也經縊也莫之知人不知也後漢書引

此文莫字上有人字後漢應劭字仲遠獻帝時奏議曰昔召忽親死子糾之難而孔

子曰經於溝瀆人莫之知○程子曰桓公兄也子糾弟也前漢淮南厲王

長高帝少子也驕恣不用漢法文帝重自切責之重難也時帝舅薄昭為將軍尊重上令昭與厲王書諫數之曰昔者周公誅管叔放蔡叔以安周齊桓殺其弟以反國秦始皇殺兩弟遷其母以安秦仲私



於所事輔之以爭國非義也桓公殺之雖過而糾之

死實當

去聲

仲始與之同謀遂與之同死可也知輔之

爭為不義將自免以圖後功亦可也故聖人不責其  
死而稱其功若使桓弟而糾兄管仲所輔者正桓奪  
其國而殺之則管仲之與桓不可同世之讎也若計  
其後功而與其事桓聖人之言無乃害義之甚啓萬  
世反覆不忠之亂乎如唐之王珪魏徵不死建成之  
難去聲而從太宗可謂害於義矣後雖有功何足贖哉

唐書王珪傳建成為皇太子授中書舍人遷中允禮  
遇良厚太子與秦王建成本弟世民也

有隙帝高祖責

珪不能輔導流寓州太子已誅太宗即秦王召為諫  
議大夫○魏徵傳太子引為洗馬官名徵見秦王功

徵見秦王功

高陰勸太子早為計太子敗世民伏兵於玄武門世  
民射建成殺之王責魏曰爾闖吾兄弟奈何王即秦

王即秦

王闖間也答曰太子早從徵言不死今日之禍王  
器重也其直無恨意即位太宗即位拜諫議大夫愚

愚

謂管仲有功而無罪故聖人獨稱其功王魏先有罪

而後有功

輔太宗致太平

則不以相掩可也

問程子可也亦可也二說朱子

曰前說亦是可但自勉以圖功則可之大者又問孟  
子可以死可以無死始見其可死後細思之又見其  
可以無死則前之可者為不可矣曰便即是此意○  
問仲始同糾謀雖有可死之道而桓兄當立則無不

可事之理蓋仲雖糾之傅然非糾之臣乃齊臣也桓公當立則桓乃吾君所當事也但仲之罪乃在不能諫糾之爭而反輔糾以爭耳是其不死殆知前之爭為不義而非求爭之比也故夫子答子路未仁之問曰如其仁以為不死之未仁不如九合之仁也答子貢非仁之問則曰豈若匹夫匹婦之為諒自經於溝瀆而莫之知豈若云者是以仲之不死過於死也故嘗以程子之說為正而以召忽之死為守節仲之不死為改過曰此論甚善但仲之意未必不出於求生然其時義尚有可生之道未至於害仁耳○雲峯胡氏曰管仲相桓公以下答子貢所謂又相之豈若匹夫以下答子貢所謂不能死蓋死則於子糾未有君臣之分當時未足以見其義相則為天下正華夷之分而天下後世皆得以被其仁仲蓋有以處此矣

○公叔文子之臣大夫僕與文子同升諸公

僕士  
免反

臣家臣公公朝

音潮

謂薦之與已同進為公朝之臣也

子聞之曰可以為文矣

文者順理而成章之謂諡法亦有所謂錫民爵位曰

文者

見公治長篇孔文子何以謂之文也章○胡氏曰其才德足以為大夫而薦之為大夫順理也

以家臣之賤而與之同列無慚焉成章也彼錫民爵位特其迹爾

○洪氏曰家臣之

賤而引之使與已並有三善焉知人一也忘己二也

事君三也

慶源輔氏曰知人智也忘己公也事君忠也有是三者則理順章成而粲然可觀矣

安得不謂之文哉然文王之文舉全體而言此與孔文子之文取一事而言○厚齋馮氏曰文子卒其子

請諡諡以貞惠文子蓋以修其班制以與四鄰交衛國之社稷不辱故諡以文初不為薦其臣僕同升諸朝而謂之文也特夫子稱其可以為文有以見文子之不愧其諡耳○雙峯饒氏曰今之所謂諡法未必果出周公恐後人因經傳所有而附會之如錫民爵位謂之文直無意義夫子所稱蓋謂文子所為如此是亦無愧於文之諡矣非指此為文也孔文子好學下問是以謂之文却是正說所以為文之義○新安陳氏曰說者以文子得諡之故見諸檀弓夫子聞其與家臣同升諸公則是文子薦僕之時非身後也諡法錫民爵位曰文蓋後人用孔子之意以為諡爾此過論也蓋孔子於其既諡之後聞其嘗有此薦賢之美事故稱此一事而謂可以無愧於文之諡耳豈可於其人之身存而預議其諡哉

○子言衛靈公之無道也康子曰夫如是奚而不喪

夫音

扶喪去聲下同

喪失位也

孔子曰仲叔圉治賓客祝鮀治宗廟王孫賈治軍旅夫如是奚其喪

仲叔圉即孔文子也三人皆衛臣雖未必賢而其才

可用靈公用之又各當

去聲其才

胡氏曰圉即敏學好問者賈即問與竈者

鮀即以佞免於今世者如圉幾矣賈之竊權鮀之善佞治世之罪人也然事神治軍各有所長而用之使各得以盡其所長耳○鄭氏舜舉曰子適衛者五蓋有拳拳之意焉亦以靈公善用人庶或可以有為爾

○雙峯饒氏曰治賓客得其人則朝聘往來之際無失禮於鄰國而不至於啓釁召禍治軍旅得其人則緩急有備而敵國不敢窺治宗廟得其人則籩豆靜嘉牲牲肥膾神人胥悅尤繫屬人心之本也三者皆國之大本故得其人亦可以無喪○東陽許氏曰夫子平日語此三人皆所不許而此章之言乃若此可見聖人不在其所短棄其所長至公之心也用人當以此為法但欲當其才耳 ○尹氏曰衛

靈公之無道宜喪也而能用此三人猶足以保其國而况有道之君能用天下之賢才者乎詩曰無競維

人四方其訓之

詩大雅抑之篇競強也言莫強於用人則四方其以為訓矣○南軒張氏

曰以衛靈公之無道然所用得其才猶足以無喪雖然僅能維持使之勿喪而已若身正於上而用得其

人則孰  
能禦焉

○子曰其言之不怍則為之也難

大言不慙則無必為之志而自不度

音

其能否矣欲

踐其言豈不難哉

南軒張氏曰易其言者實必不至若聽其言而不怍則知其為之也

難矣故古者言之不出恥躬之不逮而仁者之言必  
訥○新安陳氏曰輕於言者必不務力於行也此必  
有為  
而言

○陳成子弑簡公

成子齊大夫名桓

胡登反

簡公齊君名壬事在春秋哀



公十四年

左傳齊簡公之在魯也簡公悼公陽生子士也時從其父奔在魯闕止有寵焉及即

位使為政陳成子憚之驟顧諸朝五月壬申成子殺子我即闕止庚辰執公于舒州甲午弒之孔丘三日

齊而請伐齊三公曰魯為齊弱久矣子之伐之將若之何對曰陳恒弒其君民之不與者半以魯之衆加齊之半可克也公曰子告季孫孔子辭辭不告退而告人曰以吾從大夫之後也故不敢不告

孔子沐浴而朝告於哀公曰陳恒弒其君請討之

朝音潮

是時孔子致仕居魯沐浴齊

側皆反

戒以告君重其事

而不敢忽也臣弒其君人倫之大變天理所不容人得而誅之况鄰國乎故夫子雖已告老而猶請哀

公討之

張子曰天子討而不伐諸侯伐而不討故雖湯武之舉不謂之討而謂之伐陳恒弑其君

孔子請討之此必因周制鄰有弑逆諸侯當不請而討

公曰告夫三子

夫音扶下告夫同

三子三家也時政在三家哀公不得自專故使孔子告之

孔子曰以吾從大夫之後不敢不告也君曰告夫三子者

孔子出而自言如此意謂弑君之賊法所必討大夫

謀國義所當告君乃不能自命三子而使  
我告之邪之三子告不可孔子曰以吾從  
大夫之後不敢不告也

以君命往告而三子魯之強臣素有無  
君之心實與

陳氏聲勢相倚故沮

在呂反

其謀而夫子復

扶又反下同

以

此應之其所以警之者深矣

問當是之時魯之兵柄分屬三家哀公雖欲從

夫子之言然不告三子則兵不可出而孔子之意乃不欲往告何哉朱子曰哀公誠能聽孔子以討齊亂則亦召夫三子而以大義詔之耳理明義正雖或不從而孰敢違之哉今無成命而反使孔子往而告之則是可否之權決於三子而不決於公也况魯之三  
家即齊之陳氏其不欲討之必矣是則不惟名義之

不正而事亦豈可得而成哉然夫子以君命之重也故不得已而一往焉而冀其萬一之或從也而三子果以為不可則復正言之以明從違在彼雖不敢必而君臣大倫所繫之重雖欲不告而不敢以已其所以警夫三子者亦深矣○夫子初告時真箇欲討陳恒後人知聖人此言可以警三子非是聖人託討成子以警三子聖人之心不如是迂曲○新安陳氏曰以吾已致仕從大夫之後尚激於義不敢不告則正為君卿大夫者當何如警之在此

○程子曰左氏記孔子之言曰陳

恒弑其君民之不予

與

者半以魯之衆加齊之半可

克也此非孔子之言誠若此言是以力不以義也若孔子之志必將正名其罪上告天子下告方伯而率

與國以討之至於所以勝齊者孔子之餘事也豈計魯人之衆寡哉當是時天下之亂極矣因是足以正之周室其復興乎魯之君臣終不從之可勝平聲惜哉

問程子以左氏所記為非夫子之言然則夫子之戰將不復計其強弱而獨以大義驅之耶朱子曰程子之意以為夫子告魯當明君臣之義以見弑逆大惡天下所不容人人得誅之況在鄰國而可以不討之乎而其為計則必請其君以上告天子下告方伯舉天下之兵以誅之以天下之兵討天下之賊彼雖衆強奚以為哉固不當區區獨較齊魯之強弱而以天下之公義為一國之私也左氏所記蓋傳聞之謬以衆人之腹度聖人之心耳○春秋之時三綱淪矣孔子請討弑逆此天下之大幾也斯事一正三綱可整

天下事可次第舉矣沐浴而朝敬其事以卜天意也

胡氏曰春秋之法弑君之

賊人得而討之仲尼此舉先發後聞可也

問程子以為必告之

天子胡氏乃以先發後聞之說何耶朱子曰考之春秋先王之時疑必自有此法凡弑君者人人得而討之如漢所謂天下共誅之者然事非一槩告與不告又在乎時義之如何使其地近於天子而可告事未迫遽而得以告力之不足以敵而不得不告則告之而俟命以行甚則或不俟命而遂行皆可也使其地之相去也遠其事幾之來也不可少緩吾之力又足以制之而乃區區焉狗請命之小節忘逆賊之大罪使彼得以植其根固其黨或遂奔逸而不可以復得則任其事者亦不免乎春秋之責矣○雲峯胡氏曰程子所謂上告天子者經也胡氏所謂先發後聞者權也然先發後聞謂魯也非謂孔子也○厚齋馮氏

曰是年西狩獲麟春秋絕筆焉而不復書陳恒之事  
蓋有所傷感焉而魯之事不可為矣○新安陳氏曰  
沐浴而朝蓋欲齋戒積誠以感君心也獲麟在哀公  
十四年之春請討在是年之夏使此請聖人得遂其  
志則三綱復正周室復興春秋可不必作矣惟此請  
之不遂此春秋所以不得不作也春秋作而亂賊懼  
雖不得扶植當世之三綱而  
可以扶植萬世之三綱焉

○子路問事君子曰勿欺也而犯之

犯謂犯顏諫爭

去聲

○范氏曰犯非子路之所難也而

以不欺為難故夫子告以先勿欺而後犯也

問子路勇於義

何難於不欺特其燭理之不明好強其不知以為知  
是以陷於欺耳朱子曰以使門人為臣一事觀之子

路之好勇必勝恐未免於欺也。○問子路宜欺君者莫只是勇便解恁地否曰是恁地子路性勇凡言於人君要他聽或至於說得太過則近乎欺如唐人諫敬宗遊驪山謂驪山不可行若行必有大禍夫驪山固是不可行然以為有大禍則近於欺矣要之雖不失為愛君而其言則欺矣。○勉齋黃氏曰偽言不直謂之欺直言無隱謂之犯欺與犯正相反也夫子告子路之辭推其本意乃是一戒一勸兩面平說之辭若反覆以觀則能無欺而不能犯則未免有回互之失能犯矣而不能勿欺則未免有矯飾之病此又不可不以為戒也。○洪氏曰忠而犯之所謂有犯無隱欺而犯之是犯上也。○雙峯饒氏曰事君以不欺為本然不欺甚難須是平日於慎獨上實下工夫表裏如一方能如此今人自家好色好貨却諫其君勿好色好貨皆是欺君



○子曰君子上達小人下達

君子循天理故日進乎高明小人徇人欲故日究乎

汙鳥下

朱子曰上達是曉得透徹到那總頭處不特知到這裏行也到這裏了○凡百事上皆有

達處惟君子就中得箇高明底道理小人就中得箇汙下底道理○君子一日長進似一日小一日沈淪似一日究者究竟之義言究竟至於極也初間只差些子少間究竟將去越差得多今人做錯一件事說錯一句話不肯當下覺悟便改若只管去救其失少間救得過失越大無不是如此○胡氏曰循天理狗人欲上達下達之原也進高明究汙下上達下達之效也人心萬理皆具人欲或得以奪之故有待於反之也能復乎天理而不以一毫私欲自累則高矣不以一毫私欲自蔽則明矣苟徇乎耳目口鼻四肢

之欲益趨於貪濁之地則汙矣益流於苟賤之域則下矣進則升而愈崇究則沈而愈卑○南軒張氏曰上達者反本窮理也下達者趨末徇欲也皆云達者如喻義喻利皆云喻也○雲峯胡氏曰夫子嘗曰下學而上達其所謂上下者天理人事之貫此所謂上達下達天理人欲之分也

○子曰古之學者為己今之學者為人

為去聲

程子曰為己欲得之於己也為人欲見知於人也

慶源

輔氏曰為己為人之學其差只在毫釐之間唯欲得之於己則不必見知於人纔欲見知於人則不必得之於己欲得於己者收斂篤實欲見知於人者輕浮淺露○程子曰古之學者為

己其終至於成物今之學者為人其終至於喪己

去聲

問程子兩段不同朱子曰前段是低底為人只欲見  
知於人而已後段是好底為人却是真箇要為人然  
不曾先去自家身上做得工夫非  
愚按聖賢論學  
惟為那人不得末後連己也喪了

者用心得失之際其說多矣然未有如此言之切而

要者於此明辯而日省

悉井反  
下章同

之則庶乎其不昧於

所從矣

朱子曰今須先正路頭明辯為己為人之別  
直見得透却旋旋下功夫則意思自通知識

自明踐履自正積日累月漸漸熟若見不透路頭錯  
了則讀書雖多為文日工終做事不得○雙峯饒氏  
曰此章當看者字言同此一箇學但學之者用心不  
同古之學此者其心要得之於己今之學此者其心  
要求知於人如三年學己自是了但志在於祿則非  
為己之學也若如後世刑名術數記誦詞章之學則

所學者與古人背馳何必更論其用心之同異孔子之時世教雖衰其學之陋尚未至此○新安陳氏曰同一學也為己為人之間古今之不同於此分焉學者當審其幾於用心之初可也

○蘧伯玉使人於孔子

使去聲下同

蘧伯玉衛大夫名瑗

于眷反

孔子居衛嘗主於其家既

而反魯故伯玉使人來也

孔子與之坐而問焉曰夫子何為對曰夫子欲寡其過而未能也使子出子曰使乎使乎

與之坐敬其主以及其使也夫子指伯玉也言其但

欲寡過而猶未能則其省身克已常若不及之意可

見矣

雲峯胡氏曰省身常若不及惟恐其身之有過而常如省察也克已常若不及惟恐其過未改

而常加克治也

使者之言愈自卑約而其主之賢益彰亦可

謂深知君子之心而善於詞令者矣故夫子再言使

乎以重

直用反

美之按莊周稱伯玉行年五十而知四

十九年之非又曰伯玉行年六十而六十化

淮南子曰蘧伯

玉行年五十而知四十九年非○莊子則陽篇蘧伯玉行年六十而六十化未嘗不始於是之而卒誣與

屈同之以非也○朱子曰化是舊事都消融了無固滯○雙峯饒氏曰行年五十而知四十九年之非非

是至五十歲頓然有悟也化者變化之謂言氣質變化一年勝似一年至於行年六十而猶變化未已也

蓋其進德之功老而不倦是以踐履篤實光輝宣著

不惟使者知之而夫子亦信之也

南軒張氏曰伯玉之使其言雖謙而

意義永事情稱也夫欲寡過而未能非篤於進德修業者莫知此味也則伯玉之賢可知矣而其使之才亦可知矣○慶源輔氏曰使者不以伯玉之德著見於外者言而以伯玉之心克治於內者告且曰欲而未能不獨其言謙抑卑下而又深有得於聖賢為己之學常如不及之意可謂知德而能言矣○雙峯饒氏曰欲寡其過而未能一句意味深長學者常存此心乃進德之本也○新安陳氏曰欲寡過則不自是不謂己能寡過則不自是此檢身常若不及之心也進善其有窮乎非伯玉之賢不能如此存心非使者

之賢不能知伯玉此心宜夫子有味其言而深賞之  
○吳氏曰論語中夫子俟其出而稱之者二南宮适  
出伯玉使者出是也俟其出而斥之者二宰我出樊  
遲出是也聖人氣象從容如天地之生物陽舒陰慘  
無非教也千載而  
下猶可想見之

○子曰不在其位不謀其政

重出

已見泰  
伯篇

○曾子曰君子思不出其位

此艮卦之象辭也

易艮卦大象傳辭曰兼山  
艮君子以思不出其位

曾子蓋

嘗稱之記者因上章之語而類記之也○范氏曰物

各止其所而天下之理得矣故君子所思不出其位

而君臣上下大小皆得其職也

南軒張氏曰位非獨職位大而君臣父子

微而一事一物當其時與其地所思止而不越皆不出其位也非有主於中其能然乎○勉齋黃氏曰位身所處之地也為君則思君道為臣則思臣道此位也當食則思食當寢則思寢此亦位也越所處而思則為出其位矣○雙峯饒氏曰上章為謀政者言不在其位之位指職位而言也此章泛言君子之所思不出其位位字比上章又說得濶如為人子則思孝為人臣則思忠素富貴則思所以行富貴素貧賤則思所以行乎貧賤皆是也○雲峯胡氏曰艮止也思不出其位身之所處止其所心之所思亦止其所也

○子曰君子耻其言而過其行

行去聲



耻者不敢盡之意過者欲有餘之辭

朱子曰過猶易喪過乎哀用過

乎儉之過謂力行也○勉齋黃氏曰言放易故當耻行難盡故當過○胡氏曰或謂耻其言之過於行固通必如集註釋為兩事斯得夫子立言之本意○雙峯饒氏曰過其行與耻其言對謂行當過於其言如云說七分而行十分相似○厚齋馮氏曰耻之者恐其言之浮於行也過之者欲其行之浮於言也

○子曰君子道者三我無能焉仁者不憂知者不惑勇

者不懼

知去聲

自責以勉人也

三句解見子罕篇○朱子曰道體無窮聖人未嘗見其有餘也亦有勉進

學者之意

子貢曰夫子自道也

道言也自道猶云謙辭○尹氏曰成德以仁為先進

學以知為先故夫子之言其序有不同者以此

胡氏曰為

學之序以智為先若德之成則仁又為百行之首○  
覺軒蔡氏曰以仁為先猶自誠而明以智為先猶自  
明而誠自誠而明夫子之事故子貢以為夫子自道  
也上文我無能焉乃是謙辭○新安陳氏曰覺軒解  
自道與集註小異未必子貢一時聞夫子之言便以  
子罕篇語先後次序不同來比並而答以此言也

○子貢方人子曰賜也賢乎哉夫我則不暇

夫音扶

方比也乎哉疑辭比方人物而較其短長雖亦窮理

之事然專務為此則心馳於外而所以自治者疎矣

故褒之而疑其辭復

扶又反

自貶以深抑之○謝氏曰

聖人責人辭不迫切而意已獨至如此

朱子曰學者須思量不暇

箇甚麼須於自己體察方可見○齊氏曰孔子之於道也未得之則發憤忘食既得之則樂以忘憂而何暇於方人○厚齋馮氏曰子貢自視與夫子孰賢而能為夫子之所不暇為耶○新安陳氏曰我則無暇及他人言外之意謂方自治也

○子曰不患人之不己知患其不能也

凡章指同而文不異者一言而重

平聲

出也文小異者

屢言而各出也此章凡四見

形句反

而文皆有異

新安陳氏

曰四見者學而篇不患人之不已知患不知人也里仁篇不患莫己知求為可知也衛靈公篇君子病無能焉不病人之不已則聖人於此一事蓋屢言之其知也與此章為四

丁寧之意亦可見矣

胡氏曰失於務外為學之通患聖人每欲其反己以自力故不

一言而已也○雲峯胡氏曰四見之中學而篇是一意重在知人餘三見共是一意重在能字所以求為可知者求諸我之能而已

○子曰不逆詐不億不信抑亦先覺者是賢乎

逆未至而迎之也億未見而意之也詐謂人欺已不

信謂人疑已抑反語辭

朱子曰凡抑字皆略反上文之意

言雖不逆

不億而於人之情偽自然先覺乃為賢也○楊氏曰

君子一於誠而已然未有誠而不明者故雖不逆詐

不億不信而常先覺也若夫

音扶

不逆不億而卒為小

人所罔焉斯亦不足觀也已

朱子曰逆詐是那人不曾詐我先揣摩道那人

必是詐我億不信是那人未有不信底意便道那人必是不信我先覺則分明是見那人已詐已不信○人有詐不信吾之明足以知之是之謂先覺彼未必詐而逆以詐待之彼未必不信而先億度其不信此則不可也○勉齋黃氏曰未見其事而疑其必欺故為逆詐未見其事而度其必不實故為億不信然詐

不信雖以事見而可以理知故雖不逆不億而以先覺為賢者理明故也○雙峯饒氏曰不逆不億待物之誠也先覺燭理之明也逆億是有心覺是無心○馮氏曰逆億如人在室外而料室中之虛實先覺如明鏡照物而物無遁形此非格物致知洞然明知者不能也○雲峯胡氏曰逆億是以意見推之先覺是以義理照之○新安陳氏曰逆億者私見之紛擾先覺者真見之昭徹固不先事而預料小人之為姦亦不臨事而墮於小人之姦其斯為誠明之君子乎

○微生畝謂孔子曰丘何為是栖栖者與平聲無乃為佞乎

微生姓畝名也畝名呼

去聲

夫子而辭甚倨

居御反

蓋有

齒德而隱者栖栖依依也為佞言其務為口給以悅人也

孔子曰非敢為佞也疾固也

疾惡也固執一而不通也聖人之於達尊禮恭而

言直如此其警之亦深矣

胡氏曰不恭則失長幼之序不直則失義理之正○

慶源輔氏曰為佞以說人者失之不及執一而不通者失之過聖人只在中道上行微生之言雖倨而疑夫子之言雖恭而決○雙峯饒氏曰栖栖如鳥之栖栖而不去然故方以退隱為高見孔子歷聘疑其以口給取悅殊不知聖人可仕則仕可止則止如天地四時之變化豈若小丈夫之執一而不通耶○新安

陳氏曰以夫子而尚謂其柄栖為佞則畝之耿介固執可想矣故夫子因而箴之夫立身待人自有中道聖人萬不為柔佞之不及亦不為固執之太過也

○子曰驥不稱其力稱其德也

驥善馬之名德謂調良也

胡氏曰調者習熟而易控御也良者順服而不蹄齧

也 ○尹氏曰驥雖有力其稱在德人有才而無德則

亦奚足尚哉

南軒張氏曰驥之得稱為其德不為其力而況於君子豈不以尚德為貴乎苟

無其德雖曰有才其得謂之君子乎○慶源輔氏曰才與德皆本於天然才出於氣德根於理二者雖不可闕一然出於氣者固不若根於理之為粹也○胡氏曰驥之任重致遠非力不可然有力者不足言必



言其調良也故觀人者不當言其才而當言其德人亦不可徒恃其才而當以德為主也○雙峯饒氏曰驥者良馬之稱馬中之驥如人中之君子驥非無力然其所以得驥之名者以德不以力君子非無才然其所以得君子之名者以德不以才○新安陳氏曰此章與歲寒松柏章皆如詩六義之比實以木與馬比君子非專言木馬也

○或曰以德報怨何如

或人所稱今見形句反

老子書德謂恩惠也老子道德經恩始章

曰大小多少報怨以德圖難於其易為大於其細

子曰何以報德

言於其所怨既以德報之矣則人之有德於我者又

將何以報之乎

朱子曰以德報怨不是不好但上面更無一件可以報德譬如人以千金

與我我以千金酬之便是當然或有人盜我千金而吾亦以千金與之却是何理視與千金者更無輕重

斷然是行不得也

以直報怨以德報德

於其所怨者愛憎取舍

上一聲

一以至公而無私所謂直

也於其所德者則必以德報之不可忘也○或人之

言可謂厚矣然以聖人之言觀之則見其出於有意

之私而怨德之報皆不得其平也必如夫子之言然

後二者之報各得其所然怨有不讎

新安陳氏曰讎仇也怨有不必

報者不以仇待之也而德無不報則又未嘗不厚也此章之言

明白簡約而其指意曲折反覆

芳服反

如造化之簡易

易並去聲

知而微妙無窮學者所宜詳玩也

問以德報怨亦可謂

忠且厚矣而夫子不之許何哉朱子曰是亦私意所為非天理之正也夫有怨有德人情所不能忘而所以報之各有所當亦天理之不能已也顧德有大小皆所當報而怨則有公私曲直之不同故聖人教人以直報怨以德報德以直云者不以私害公不以曲勝直當報則報不必報則止一觀夫理之當然而不

以己之私意加焉是則雖曰報怨而豈害其為公平  
忠厚哉然而聖人終不使人忘怨而沒其報復之名  
者亦以見夫君父之仇有不得不報者而伸夫忠臣  
孝子之心耳若或人之言則以報怨為薄而必矯焉  
以避其名故於其所怨而反報之以德若忠厚者而  
於所德又將何以報之以德之上無復可加若但如  
所謂報怨者而已則是所以報德者僅適其平而所  
以報怨者反厚於德且雖君父之仇亦將有時而忘  
之也是豈不反為逆人情悖天理之甚哉曰君父之  
仇亦有當報不當報之別乎曰周禮有之殺人而義  
者令無仇仇之則死此不當報者也春秋傳曰父不  
受誅子復仇可也此當報者也當報而報不當報而  
止是即所謂直也周公之法孔子之言若合符節於  
此可以見聖人之心矣曰然則楊氏所謂小如委曲  
如庾公之斯者如何曰此意善矣而亦有所未盡也  
蓋天下之事有公義有私恩二者常相得焉則盡其

道而不為私可也不幸而或至於相妨則權輕重而處之使公義行於上而私恩伸於下然後可耳若小加委曲而害天下之公則亦君子所不為也○以德報怨於怨者厚矣而無物可以報德則於德者不亦薄乎以直報怨則不然如此人舊與吾有怨今果賢邪則引薦之果不肖耶則棄之絕之是蓋未嘗有怨矣○雙峯饒氏曰直是直道當報則報不當報則不報是之謂直老氏之說不問道理曲直只是不欲與人結怨而已以德報怨說殺了不若以直報怨之語中間有涵蓄當報而報與不當報而不報皆在其中學者玩味其意觸類而長則可為處事之權衡矣

○子曰莫我知也夫

扶夫音

夫子自歎以發子貢之問也

子貢曰何為其莫知子也子曰不怨天不尤人下學而上達知我者其天乎

不得於天而不怨天不合於人而不尤人但知下學而自然上達此但自言其反己自修循序漸進耳無以甚異於人而致其知也然深味其語意則見其中

自有人不及知而天獨知之妙

朱子曰不怨不尤則不責之人而責

之己下學人事則不求之遠而求之近此固無與於人而不駭於俗矣人亦何自而知之也耶及其上達而與天為一焉則又有非人之所及者此所以人莫之知而天獨知之也○勉齋黃氏曰窮通榮辱天也

用舍予奪人也常人之情置事於淺近索理於渺茫  
足以惑人之耳目而以為能此所以人知之也聖人  
渾然天理窮通榮辱用舍予奪皆理之所不能無者  
順而受之又何怨尤之有人事之中便是天理又何  
必捨人事而求之於渺茫哉如是則泊然若不見其  
所長者然天理流行而聖人與之無間如此所以人  
不知而天知也○慶源輔氏曰己與天人只是一理  
在己者既盡則天人無有不應者聖人與理為一自  
然無所怨尤

蓋在孔門唯子貢之智幾

平聲

足以及此故特

語音御以發之惜乎其有所未達也

朱子曰聖門自顏曾以下唯子貢儘

曉得聖人多是將這般話與他說他若未曉聖人豈  
肯說與但他知得箇頭耳惜乎見夫子說便自住了  
如子欲無言子一以貫之也只如此住了只是不曾  
有默契省悟觸動他那意思處他若有所默契須發

露出來不但已也如曾子聞一貫語便曰唯子貢便無這處

○程子曰不怨天不

尤人在理當如此又曰下學上達意在言表又曰學者須守下學上達之語乃學之要蓋凡下學人事便

是上達天理然習而不察則亦不能以上達矣

問下學而

上達者言始也下學而卒之上達云爾今程子以為下學人事便是上達天理何耶朱子曰學者學夫人事形而下者也而其事之理則固天之理也形而上者也學是事而通其理即夫形而下者而得夫形而上者焉非達天理而何哉○問聖人恐不自下學中來曰不要高了聖人高後學者如何企及說得聖人低越有意思聖人雖生知亦未嘗不學如十五志學每事問便是學也○須是下學方能上達然人亦有



下學而不能上達者只緣下學得不是當若下學得是當未有不能上達者聖門下學而上達至於窮神知化亦不過德盛仁熟而自至耳如釋氏理須頓悟不假漸修之云是只說上達更不理會下學然不理會下學如何上達○問下學只是切近處求否曰也不須揀事到面前便與理會且如讀書讀第一章便與理會第一章讀第二章亦然今日撞著這事來便與理會這事明日撞著那事來便與理會那事萬事只一理不是揀那大底要理會其他却不管○問有一節之上達有全體之上達否曰不是全體只是這一件理會得透那一件又理會得透積累多便會貫通不是別有一箇大底上達又不是下學中便有上達須是下學方能上達今之學者於下學中便要求玄妙則不可○問下學上達意在言表是如何曰如下學只是下學如何便會上達自是言語形容不得下學上達雖是兩件理會得透厮合只是一件下學

是事上達是理理在事中事不在理外一物之中皆具一理就那物中見得箇理便是上達如大而化之之謂聖聖而不可知之之謂神然亦不離乎人倫日用之中但恐人不能盡所謂學耳果能學安有不上達者○方其學時雖聖人亦須下學如孔子問禮問官名未識須問問了也須記及到達處雖下愚也會達便不愚了○孔子當初嘆無有知我者子貢因問何為莫知子夫子所答辭只是解何為莫知子一句大凡不得乎天則怨天不得乎人則尤人我不得乎天亦不怨天不得乎人亦不尤人與世都不相干涉方其下學人事之卑衆人所共又無奇特聳動人處及其上達天理之妙忽然上達去人又捉摸不著如何能知得我知我者畢竟只是天理與我默契爾以此見孔子渾是天理○問子貢不曾問孔子告之必有深意曰論語中自有如此等處如告子路知德者鮮告曾子一以貫之皆是一類此是大節目要當自

得這却是箇有思量底事要在不思量處得○當時不惟門人知夫子別人也知道是聖人今夫子却恁地說時是如何如子貢之聰明想是也大故知聖人但尚有知未盡處故如此說子貢曰何為其莫知子也子貢也是說他不為不知夫子所以恠而問之夫子便說下面三句便與葉公問孔子於子路處相似皆是退後一步說不怨天是於天無所逆不尤人是於人無所忤下學只恁地就平易去做上達便是做後自理會得只這平易便是人不能及處如發憤忘食樂以忘憂看著似平只是恁地平說但是人自不可及人既不能知則只有天知者是道理與天相契合也○南軒張氏曰下學人事而上達天理天理初不外乎人事知我其天所謂天者理而已聖人純乎天理故其自言如此○問何謂下學上達潛室陳氏曰下學人事自然上達天理若不下下學工夫直欲上達則如釋氏覺之之說是也吾儒有一分學問則

磨得一分障礙去心裏便見得一分道理有二分學問工夫則磨得二分障礙去心裏便見得二分道理從此惺惺恁地不令走作則心裏統體光明渣滓淨盡便是上達境界

○公伯寮愬子路於季孫子服景伯以告曰夫子固有

惑志於公伯寮吾力猶能肆諸市朝

朝音潮

公伯寮魯人子服氏景謚伯字魯大夫子服何也夫

子指季孫言其有疑於寮之言也肆陳尸也言欲誅

寮

周禮註有罪既殺陳其尸曰肆○吳氏曰市朝不過連言之左傳晉殺三郤尸諸朝殺董安于尸諸

市賤者在市也○胡氏曰大夫以上於朝士以下於市○新安陳氏曰愬讒譖也惑志疑心也

子曰道之將行也與命也道之將廢也與命也公伯寮

其如命何

與平聲

謝氏曰雖寮之愬行亦命也其實寮無如之何愚謂

言此以曉景伯安子路而警伯寮耳聖人於利害之

際則不待決於命而後泰然也

朱子曰聖人不言命凡言命者皆為衆人

言也到無可奈何處始言命如此章命也是為景伯說如曰有命是為彌子瑕說聖人用之則行舍之則藏未嘗到無可奈何處何須說命如下一等人不知有命又一等人知有命猶自去計較中人以上便安於命到得聖人便不消得言命○問或以命為天理何也曰命者天理流行付於萬物之謂也然其形而

上者謂之理形而下者謂之氣自其理之體而言之則元亨利貞之德具于一時而萬古不易自其氣之運而言之則消息盈虛之變如循環之無端而不可窮也萬物受命於天以生而得其理之體故仁義禮智之德根於心而為性其既生也則隨其氣之運故廢興厚薄之變唯所遇而莫逃此章之所謂命蓋指氣之所運為言以天理釋之則於二者之分亦不察矣○吳氏曰命指氣而言陰陽之氣運行不齊治亂皆有定數如命令然景伯欲肆寮者義之激也夫子歸之於命者分之安也疑季氏有惑志子路遂同子羔仕衛○齊氏曰子路非王佐之才家臣非卿相之位而孔子以公伯寮之愬為關於吾道之行止何也魯為公室之靈者莫如季氏孔子為政於魯大率欲裁其僭而勇於承令以出藏甲墮郈費者子路也公伯寮愬子路固將假以沮孔子也故孔子不為子路禍福計而為吾道興廢計然子服景伯欲肆寮於市

朝而孔子以為寮如命何蓋以吾道行與不行繫於天之祐與不祐而不繫於寮之愬與不愬也景伯尤諸人而孔子委之天孟氏於臧倉之沮魯侯亦歸之天焉○慶源輔氏曰聖人純是義理義所當行則行義所當止則止處利害之際唯其義而已更不問命之如何今此言命者以曉景伯警伯寮耳○新安陳氏曰天將使道之行寮不能使之廢使寮之愬得行是天未欲道之行耳聖人不怨天又何尤於寮哉

○子曰賢者辟世

辟去聲下同

天下無道而隱若伯夷太公是也

辟紂而居東北海之濱

其次辟地

去亂國適治

去邦

如百里奚去虞之秦

其次辟色

禮貌衰而去

如衛靈公顧蜚鴈而色不在孔子遂去之

其次辟言

有違言而後去也

如衛靈問陳而孔子遂行

○程子曰四者雖以

大小次第言之然非有優劣也所遇不同耳

問四者固非優

劣然賢者之處世豈不能超然高舉見幾而作乃至發見於言色而後辟之耶勉齋黃氏曰出處之義自非一端隨其所遇之時而酌其所處之宜可也衛靈公顧蜚鴈則辟色矣問陳則辟言矣豈夫子於此為劣乎此所以不可以優劣言也○厚齋馮氏曰桀溺謂子路豈若從辟世之士夫子為之憮然至是乃賢



辟世則道不行而無仕志也。○吳氏曰：世與地以地勢廣狹言，色與言以人事淺深言。若夫子則辟地，辟色，辟言而終不忍於辟世，觀其論沮溺可見矣。○雲峯胡氏曰：天下為大邦國為小，辟世辟地是辟其國，辟色辟言是辟其人。此程子所謂大小次第而非以賢者之德為有優劣也。

○子曰作者七人矣

李氏曰：作起也，言起而隱去者。今七人矣，不可知其

誰何必求其人以實之則鑿矣。

慶源輔氏曰：凡書所載有當深索者不深

索之則失之，略有不必過求者，過求之則失之。鑿所謂當深索者，義理是也，所謂不必過求者，此處是也。

○子路宿於石門，晨門曰：奚自？子路曰：自孔氏。曰：是知

其不可而為之者與

與平聲

石門地名晨門掌晨啟門蓋賢人隱於抱關者也自

從也問其何所從來也胡氏曰晨門知世之不可而

不為故以是譏孔子然不知聖人之視天下無不可

為之時也

問聖人無不可為之時且以人君言之堯所以處丹朱而禪舜舜所以處父母弟之

間與所以處商均而禪禹以人臣言之伊尹所以處太甲周公所以處管蔡可見聖人無不可為之時朱

子曰然○南軒張氏曰聖人非不知道之不行而皇

皇於斯世者天地生物之心也晨門賢而隱於抱關  
知世之不可為而遂已而未知道之不可以已然玩  
其辭意緩而不迫所養有過於荷蕢之果者歟○勉

齋黃氏曰晨門見己而不見聖人故云然然無孔子之聖則寧自處於抱關耳其言聖人則非而自處其身則是亦賢也已○慶源輔氏曰賢者之視天下有不可為之時才力有限也聖人視天下無不可為之時其道無所不可也

○子擊磬於衛有荷蕢而過孔氏之門者曰有心哉擊

磬乎

荷去聲

磬樂器荷擔也

按韻書負荷之荷在上聲下可反又去聲

蕢草器也此荷

蕢者亦隱士也聖人之心未嘗忘天下此人聞其磬

聲而知之則亦非常人矣

問聞磬聲如何便知夫子之心不忘天下朱子曰他

那人煞高如古人於  
琴聲中知有殺心耳

既而曰鄙哉硜硜乎莫已知也斯已而已矣深則厲淺

則揭

硜苦耕反莫己之己音  
紀餘音以揭起例反

硜硜石聲亦專確之意以衣涉水曰厲攝衣涉水曰  
揭此兩句衛風匏有苦葉之詩也譏孔子人不知已  
而不止不能適淺深之宜

子曰果哉末之難矣

果哉嘆其果於忘世也末無也聖人心同天地視天

下猶一家中國猶一人不能一日忘也故聞荷蕢之

言而嘆其果於忘世且言人之出處上聲若但如此則

亦無所難矣

慶源輔氏曰果於忘世決去不反者能之何難之有若聖人之出處因時卷舒

與道消息而憂世之心終不能已濟世之用其出無窮此豈荷蕢所能與哉○雙峯饒氏曰聖人之道有出有處便如天地有陰有陽荷蕢之徒見得一邊遺了一邊所以只知獨善而果於忘世矣○新安陳氏曰聖人之心不能一日忘天下亦如天地之心不能一日忘萬物天地生物之心不以閉塞成冬之時而息聖人道濟天下之心不以天地閉賢人隱之時而息也聖人不能忘世之心荷蕢初聞其磬聲而知之然觀其既而曰以下之言則非深知聖人之心者要之果於忘世之人豈能深知聖人所以不能忘世之

哉心

○子張曰書云高宗諒陰三年不言何謂也

高宗商王武丁也諒陰天子居喪之名未詳其義

諒問

陰之說朱子曰孔氏曰諒信也陰默也邢氏釋之曰信謂信任冢宰胡氏釋之曰信能默而不言也二家皆用孔訓而為說不同鄭氏於禮記又讀作諒闇言居倚廬大抵古者天子居喪之名○覺軒蔡氏曰喪服四制諒闇三年鄭注云諒古作梁楣謂之梁闇讀如鷄鷓之鷓闇謂廬也即倚廬之廬儀禮剪屏柱楣鄭氏謂柱楣所謂梁闇是也書云王宅憂諒陰言居喪於梁闇也按諒陰之義先人得於先師晚年而命此者如

子曰何必高宗古之人皆然君薨百官總己以聽於冢宰三年

言君薨則諸侯亦然總己謂總攝己職冢宰大

音泰宰

也百官聽於冢宰故君得以三年不言也○胡氏曰位有貴賤而生於父母無以異者故三年之喪自天子達於庶人子張非疑此也殆以為人君三年不言則臣下無所稟令禍亂或由以起也孔子告以聽於

冢宰則禍亂非所憂矣

問胡氏云以聽冢宰則禍亂非所憂然主少國疑之際得

人如伊周霍葛則可不幸如莽操之姦豈不大可憂邪  
 雙峯饒氏曰使嗣君剛明而冢宰有莽操之姦則必能易而置之如其不能雖不總己以聽亦何益哉  
 且天下之事有常有變聖人只論其常耳○新安陳氏曰居喪而冢宰攝政則嗣君雖不言亦無失政矣

○子曰上好禮則民易使也

好易皆去聲

謝氏曰禮達而分

去聲定此句出禮運

故民易使

慶源輔氏曰達謂達

於下也上好禮則品節分明而誠意退避故觀感於下者亦皆安己之分聽上之命而易使○問禮何以使之達雙峯饒氏曰官府之政學校之教皆所以達之○雲峯胡氏曰禮也者所以辨上下而定民志也民之志定民之力可使也○厚齋馮氏曰聖人言使民曰上好禮曰小人學道使之知上下之分而樂於



從命不以勢力強之也

○子路問君子子曰脩己以敬曰如斯而已乎曰脩己以安人曰如斯而已乎曰脩己以安百姓脩己以安百姓堯舜其猶病諸

脩己以敬夫子之言至矣盡矣而子路少之故再以其充積之盛自然及物者告之無他道也人者對己而言百姓則盡乎人矣堯舜猶病言不可以有加於此以抑子路使反求諸近也蓋聖人之心無窮世雖

極治

去聲下同

然豈能必知四海之內果無一物不得其

所哉故堯舜猶以安百姓為病若曰吾治已足則非

所以為聖人矣

朱子曰敬字聖學之所以成始成終者皆由此故曰脩己以敬下面安人

安百姓皆由於此只緣子路問不置故夫子復以此答之要之只是箇脩己以敬則其事皆了○問脩己以敬曰敬者非但是外面恭敬而已須是要裏面無一毫不直處方是所謂敬以直內者是也○脩己以敬語雖至約而所以齊家治國平天下之本舉積諸此子路不喻而少其言於是告以安人安百姓之說蓋言脩己以敬而極其至則心平氣和靜虛動直而所施為無不自然各當其理是以其治之所及者羣黎百姓莫不各得其安也是皆本於脩己以敬之一言其功效之自然及物者耳或問然則夫子之言豈

其畧無大小遠近之差乎曰脩己以敬貫徹上下包舉遠近而統言之也安人安百姓則因子路之問而以功效之及物者言也然曰安人則脩己之餘而敬之至也安百姓則脩己之極而安人之盡也是雖若有小大遠近之差然皆不離於脩己以敬之一言而非有待於擴之而後大推之而後遠也○勉齋黃氏曰非謂脩己以敬之外又有充積之功也脩己以敬而可謂君子則是充積之盛在其中矣特言其功效之遠則指夫自其充積之盛者而出耳脩己以安人猶曰脩己以敬而可以安人也脩己以安百姓猶曰脩己以敬而可以安百姓也子路疑脩己以敬之一言不足以盡君子故夫子指其效驗之大者而言以見決非君子不足以當之也

○程子曰君子脩己以安百姓篤恭而天下平唯上一於恭敬則天地自位萬物自育

氣無不和而四靈畢至矣

記禮運四靈以為畜許六反故飲食有由也何謂四

靈麟鳳龜龍謂之四靈

此體信達順之道聰明睿知

去聲

皆由是

出以此事天饗帝

朱子曰上下一於恭敬這却是上之人有以感發而興起之信是實

理順是和氣體信是致中意達順是致和意言能恭敬則能體信達順聰明睿知皆由此出者言能恭敬自然心便開明○體信是實體此道於身達順是發而中節推之天下而無所不通也體信是忠無一毫之偽達順是恕無一物不得其所聰明睿知皆由是出是自誠而明意思○敬則自然聰明人所以不聽不明止緣身心惰慢便昏塞了敬則虛靜自然通達○問上下一於恭敬則天地自位萬物自育四靈畢至如此則敬之功用又不止於安百姓矣雙拳饒氏曰天地位萬物育與安百姓也只是是一事初無大小

若陰陽不和五穀不熟百姓何由而安○新安陳氏曰夫子為見子路勇躁輕視脩己以敬之言故推極其功以抑之程子此條亦推贊恭敬之極功以發明夫子之意云○東陽許氏曰聖人言脩己以安百姓而程子乃言上下一於恭敬蓋治道非一人所能獨成必君臣上下皆能恭敬然後有天地位以下之應然下人能敬亦在乎上之人有以感之漸漬而成恭敬以至於天下平程子此段是推極而言以見敬之功用無窮

○原壤夷俟子曰幼而不孫弟長而無述焉老而不死

是為賊以杖叩其脛

孫弟並去聲長上聲叩音口脛其定反

原壤孔子之故人母死而歌

記檀弓下孔子之故人曰原壤其母死孔子助

之木擲原壤登木曰久矣予之不託於音也歌曰狸首之斑然執女手之卷然夫子為弗聞也者而過之

蓋老氏之流自放於禮法之外者夷蹲踞音存也雙峯

饒氏曰蹲踞鴟鳥好蹲故謂之俟待也言見孔子來

而蹲踞以待之也述猶稱也賊者害人之名以其自

幼至老無一善狀而久生於世徒足以敗常亂俗則

是賊而已矣脛按韻書形定反集註云其定反音小異足骨也孔子既

責之而因以所曳之杖微擊其脛若使勿蹲踞然朱子

曰胡氏以為原壤之喪母而歌孔子為弗聞者矣今乃責其夷俟何舍其重而責其輕耶蓋數其喪母而

歌則壤當絕叩其箕踞之脛則壤猶為故人盛德中  
禮見乎周旋此亦可見○鄭氏舜舉曰聖人之接物  
各稱其情惡之而避其辭外之也遇陽貨是也惡之  
而斥其罪親之也遇原壤是也○新安陳氏曰幼壯  
孝弟者耆好禮則久生可以儀風俗故敬其為壽幼  
壯無稱老徒傲惰則久生適以敗風俗故名其為賊  
壤良可戒哉

○闕黨童子將命或問之曰益者與

與平聲

闕黨黨名童子未冠

去聲

者之稱將命謂傳賓主之言

或人疑此童子學有進益故孔子使之傳命以寵異

之也

子曰吾見其居於位也見其與先生並行也非求益者也欲速成者也

禮童子當隅坐隨行

記檀弓曾子疾童子隅坐而執燭又王制父之齒隨行

孔

子言吾見此童子不循此禮

新安陳氏曰居位是不循隅坐之禮並行是不

循隨行之禮

非能求益但欲速成爾故使之給使令

平聲之

後觀長

上聲去聲

少之序習揖遜之容蓋所以抑而教之

非寵而異之也

南軒張氏曰不止乎童子之所而自進於成人之列有躡等之意無自卑

之心烏能以求益乎欲速成而已如物之生循序而生理達焉若欲速成反害其生矣故聖門之學先之



以洒掃應對進退之事所以長愛敬之端防傲惰之  
萌而使之循序以進也○勉齋黃氏曰禮之於人大  
矣老者無禮則足以為人害少者無禮則足以自害  
夫子於原壤童子皆以是教之述論語者以類相從  
所以著人無老少皆不可以無禮儀也○慶源輔氏  
曰求益則浸長而不知欲速則亟進而無序聖門之  
教雖以敏行為先而又以躡等為戒○雲峯胡氏曰  
原壤老而為賊是從幼不遜弟來今童子得以馴揉  
其氣而閑習於禮則庶可  
以免於原壤之弊也歟



論語集註大全卷十四